

Kein heile Welt

Musik & Text Björn Heuser, Richard Hunsdorf / Verlag: Dabbelju Music

Lalalala...

Ich wor ens en e Brauhus jerannt,
doch finanziell wor ich affjebrannt.
Vom Doosch jeplaach, total kapott,
der Weet reef nur:
Jung maach dich fott!

**Kein heile Welt, kei Frau, kei Bier,
jo grausam, es de Welt zo mir.
Kein heile Welt, kei Frau, kei Bier,
oh Herrjott hol mich flöck zo dir!**

Ich jing dodrob en e Freudenhus,
un söckten mir die schönste us.
Dat Mädche wullt nit,
dat wor mer klor,
weil ich ze koot bemessen wor.

Kein heile Welt...

Zom beichte en de Kirch eren,
däm Pastur jesaat
wie schlääch ich ben.
Hä fuhr mich ahn, un wurf mich rus,
su vill Sünde pass in kei Joddeshus.

Kein heile Welt...

Lalala ...

Nun hat ich jenooch,
dann kann all nit sin,
dröm jing ich en d'r Rhing eren.
Do soh ich ne ahle Lottosching,
ich wood beklopp – ne Hauptjewinn.

Op einmol wor dat Jlöck mir treu,
un ich hatt plötzlich Jeld wie Heu.
Ich rannte en dat Brauhaus ren,
e lecker Kölsch hatt ich em Sinn.

Vom Doosch jeplaach, total kapott,
doch et Jeld braat nix,
der Weet wor fott!

Kein heile Welt...

Lalalala ...